

## **Resource: Maneno Muhimu (Biblica)**

### **License Information**

**Maneno Muhimu (Biblica)** (Swahili) is based on: Biblica Bible Dictionary, [Biblica, Inc.](#), 2023, which is licensed under a [CC BY-SA 4.0 license](#).

This PDF version is provided under the same license.

## Maneno Muhimu (Biblica)

### R

*Rabi, Rahabu, Raheli, Raia wa Kirumi, Raia wa mbinguni, Rebeka, Rehema, Rehoboamu, Reuben, Roho Mtakatifu, Rumi, Ruthu*

#### Rabi

Ni mwalimu wa Kiyahudi wa kiume. Marabi kwa kawaida walijifunza Agano la Kale na maandiko mengine ya Kiyahudi katika shule. Walifundishwa na marabi wengine. Watu waliotaka kujifunza kutoka kwao na kuwa kama wao wangukuwa wanafunzi wao. Kwa kawaida ni wavulana na wanaume tu ndio walikuwa wanafunzi. Yesu alikuwa rabi ingawa hakufundishwa kama marabi wa wakati wake. Aliwakaribisha wanawake na wanaume wote kama wanafunzi wake.

#### Rahabu

Ni mwanamke kutoka mji wa Yeriko katika Kanaani. Alifanya kazi kama kahaba. Aliwaficha wapelelezi waliotumwa na Yohana na kuwahifadhi salama. Waisraeli walipoharibu Yeriko, walimwokoza Rahabu na familia yake. Alikuwa sehemu ya watu wa Mungu. Daudi na Yesu walitoka kwenye ukoo wake.

#### Raheli

Ni binti wa pili wa Labani na mke wa pili wa Yakobo. Lea alikuwa dada yake na Bilha alikuwa mjakazi wake. Alikuwa mchungaji wa wanyawa wa ufugo. Yakobo alimpenda zaidi kuliko alivyompenda Lea. Alikuwa mama wa Yosefu na Benyamini.

#### Raia wa Kirumi

Kuwa raia wa Roma inliletea watu haki fulani. Iliwalinda wasitendewe vibaya kwa njia fulani. Watawala wa Kirumi walilazimika kufuata sheria za Kirumi kuhusu raia. Watu wengi katika ardhi

zilizodhibitiwa na serikali ya Kirumi hawakuwa raia wa Kirumi. Kuwa raia wa Kirumi ilikuwa maalumu.

#### Raia wa mbinguni

Watu ni raia wa taifa wanakoishi au walipozaliwa. Vivyo hivyo waumini pia ni raia wa mbinguni. Hii inamaanisha kuwa wao ni wa Mungu na ni sehemu ya ufalme wake. Hii ni kweli hata wanapokuwa hai duniani. Mungu anaeneza ufalme wake duniani polepole kupitia waumini. Kama raia wa mbinguni, wao ni wajumbe wa ufalme wa Mungu. (Ufalme wa Mungu [Danieli 2:1-49](#))

#### Rebeka

Ni binti wa Bethueli na dada wa Labani kutoka Mesopotamia. Aliolewa na Isaka na kuwa mama wa Yakobo na Esau.

#### Rehema

Upendo wa huruma au wema kwa mtu anayepitia shida kwa namna fulani. Mungu amejaa rehema kwa watu na anaonyesha wema wake kwa njia nyingi. Mojawapo ya mifano mikubwa ya rehema yake ni jinsi anavyowasamehe watu dhambi zao.

#### Rehoboamu

Ni mwana wa Sulemani kwenye mwanamke Mwamoni aitwaye Naama. Wakati Rehoboamu alipokuwa mfalme, taifa la Israeli liligawanyika kuwa falme mbili. Rehoboamu alitawala ufalme wa kusini wa Yuda. Alikuwa kiongozi mpumbavu ambaye alifanya mambo maovu na kuabudu miungu ya uongo. Hakuwa na utajiri au nguvu kama Sulemani alivyokuwa navyo.

## **Reubeni**

Ni mwana wa kwanza wa Yakobo na Lea. Kwa lugha ya Kiebrania jina Reubeni linamaanisha tazama mwana. Inasikika kama neno kwa maana ameona mateso yangu. Reubeni alifanya ngono na suria wa baba yake Bilha. Kwa sababu hiyo, hakuruhusiwa kuwa na haki za kuwa mwana wa kwanza wa Yakobo. Ukoo wake ukawa kabila la Israeli.

## **Roho Mtakatifu**

Mungu hujionyesha kuwa Roho wakati wa uumbaji wa dunia. Roho Mtakatifu ni Mungu kama ambavyo Baba ni Mungu na Yesu ni Mungu. Wao ni nafsi tatu za Mungu mmoja pekee. Roho Mtakatifu alifanya kazi kupitia watu waliorekodi vitabu vya Biblia. Katika Agano la Kale, Roho Mtakatifu aliwawezesha watu kutabiri. Roho pia aliwezesha watu kufanya kazi za ustadi na matendo makuu. Katika Agano Jipya, Roho Mtakatifu alimwezesha Maria kuwa mama wa Yesu. Yesu alimtuma Roho Mtakatifu kwa wafuasi wake katika Sikukuu ya Pentekoste. Kupitia Roho Mtakatifu, waumini wanaunganishwa na Yesu. Roho Mtakatifu ni Rafiki ambaye huwafanya wafuasi wa Yesu waweze kuendelea kufanya kazi yake.

## **Rumi**

Ni ufalme katika eneo karibu na Bahari ya Mediterania ambao ulidumu kwa mamia ya miaka. Mji mkuu pia uliitwa Rumi. Ukawa serikali yenye nguvu iliyotawala mataifa na makundi mengi ya watu. Ulitawala Israeli wakati wa Agano Jipya. Kwa miaka mingi uliongozwa na wafalme wenye nguvu. Serikali ya Kirumi iliwatendea wafuasi wengi wa Yesu vibaya.

## **Ruthu**

Ni mwanamke kutoka Moabu na mkwe wa Naomi. Mume wake alipokufa, aliondoka Moabu na kwenda Israeli pamoja na Naomi. Aliolewa na Mwisraeli aitwaye Boazi na akawa bibi mkubwa wa Daudi.